

海豐縣志序

以海豐而列於濟南所屬二十
六邑之中猶黑子之著面也其
由鹽慶而達潞河以望畿輔則
猶襟帶之屬衣領也予既承之
文獻是徵辱諸縉紳先生朝夕

序一

提誨父老子弟燥溼相規迨茲
三冬拮据瘠瘁未有成績以慰
夙夜意惟是掌故之弗脩而紀
載之弗備語云不習為吏視已
成事邑之有志又安可闕乎哉
會耆儒西澤張先生以所纂著



示予予受而卒業已而深思喟
然而嘆曰一邑猶一家也邑之
有志猶家之有簿籍也故上稽
之天時下辨之地理中覈之人
事三才具而古今之變悉矣其
為卷十有二為類四十有六表

序二

誌記傳文而不飾詳而不蕪媿
媿乎其言之將以示令茲土者
勿負乎家人父母之義云爾而
予乃重有愧焉夫雨暘不齊而
水旱之備踈也秋一不登而嗷
嗷待哺者幾何矣鄰壤相錯而

干楸之不遑及也地故瘠而增
之賦前之以王莊墾畝坐重累
者是何額也人才蔚起名公碩
士頌背相望顧絃誦之風猶微
而雀鼠之習未化學道而愛人
易使豈徒諉之前聞乎即縉紳

序三

先生不予鄙棄而予日與父老
子弟貌赤相對所謂家人父母
者將逡巡焉而俟之後之君子
乎晦明風雨古猶今也山川形
勝古猶今也士女農商古猶今
也凡令茲土者當時無赫、名

去後猶令人見思者獨何人乎
即何得以時異勢殊而謂吾之
不得行所志也彼家人父母推
乾就溼顧我後我又何居焉然
則志一邑者固一邑之志而非
僅一邑也騶山連馬谷以眺岱

序四

宗龍灣引無棣而入滄海由一
邑而推廣之其文獻徵諸此矣
康熙庚戌歲冬嘉平月朔旦
文村郎知海豐縣事都人胡公
著又申甫謹書



海豐縣志序

邑之有志也猶國之有史也其體主於記載其文則史所以昭信垂遠至重也海豐僻處海濱爲齊之北

序

一

鄙所稱賜我先公履北至於無棟者是俗號淳厚名賢輩出前太宰楊公於嘉靖丁未曾得邑志於京邸迄今世遠籍湮不少槩見

間欲搜葺遺聞網羅當
勒成一邑之書有志而未
逮也吾邑張西澤先生留
心文獻抄有舊本十數紙
雖多掛漏尙存什一廼以

序

二

編續之責屬之於是博采
羣書叅考郡乘或訪之故
老或得諸躬歷稿凡六易
數閱寒暑乃克成斯書爲
志者七爲表表者三爲列傳

者二其若干卷其事則增
於前其例則循諸舊綱舉
目張事具而言核其用心
可謂勤矣夫邑志之缺殆
百餘年先生於散佚之後

序



三

殫精芻求補苴罅漏遂使
久廢無徵之典一旦燦然
可觀後之作國史者其有
取於斯乎稿旣就適張文
堂司寇權關於杭乃爲

處工寶鏡版以傳不佞喜
邑志之成也爰載筆而書
之

康熙辛亥春王正月

賜進士出身通奉大夫吏

序

四

部左侍郎加一級前刑

部左右侍郎內院學士

甲辰庚戌會試總裁四

克

殿試讀卷官教習庶吉士

歷任侍講學士庶子侍
講贊善編修乙未會試
同考奉

勅纂修通鑑全書管理

誥勅邑人王清冰壺甫拜

序

五

撰



刺海豐縣誌序

吾邑無棣北界瀛海稱名邑舊矣

國家都燕屬在侯甸則敵教先被之邦也乃析疆而爲下邑幅員編小文獻散亡有明以來粗存

張序一

誌略卷帙殘蕪迨乎末季兵侵濬告闕墜抑甚我

朝百度釐舉皇輿統志鴻章鉅典旣衷聚于史局而山陬海澨之人沐浴太平操筆而司掌故諒亦采風者之所許也且吾邑應

運而興讀中祕書者有人理罷縣
分六官被繡衣者有人釋褐待
詔上賢書貢國子者有人內考冊
府累代之藏下采列國省方之
籍於以物通泰訂豈不彬彬乎
美備也哉

張序二

冰壺王先生借余二二三同志雅
欲纂述舊聞益以近事彙成一
書而簿書間之迄未卒業乃以
所見聞授余兄西澤氏而西澤
氏久已任厥事搜遺補闕矻矻
者數年矣爲卷十二類今四十

有六凡志所有事無不備具余
竊惟志者一邑之事而六經諸
史之或有焉其山川土田典制
則周禮職方禹貢其紀載天象
人事品物鉅細則洪範五行春
秋國風先秦史漢要以明得夫

張序三

而示勸戒也乘省志國史一耳
士大夫上溯軒昊遐察窮荒而
或近失之里閭故事安在其知
本者乎余司權武林匏關多暇
與一二三同志重訂嚴核以為可
久曩爾偏隅雖典章未備而一

人一事亦卽於經諸史之芻流
而分見者也因纂錄以付剞劂
噫讀是志考邦憲述祖德法懿
行服先疇警頽俗勤職業教子
弟非祇以觀美云

康熙庚戌歲六月朔旦

張序四

賜進士奉直大夫刑部江南清吏
司員外郎奉

勅督理北新鈔關邑人張爲仁致
堂氏謹書



邑乘述言

海豐舊有誌蓋成于明孝武之間今山東通誌所列邑中數事則猶舊誌所載也新水易氏典教吾岸時以上大夫命卽舊帙益以新裁爲卷十八近得遺藁校贍各異當日未必出一手嗣是妻祖雪竹先生雅以纂述爲業謂邑乘一事尤不可闕言之胡侯條奏數千言以上旋及祿仕未竟編摩迄今以往譚及百餘年事幾成懵懵竊以國有史郡邑有誌家有譜牒皆以紀盛衰寓勸誡庸可闕乎哉若乃左右史之筆

海豐縣誌

述言

一

削惟嚴守令之興除是務與夫孝子慈孫之兢兢無墜家聲者其義一也少宰冰壺先生前典史局獲覩全史遇曩事有涉吾邑者拈出示余曰是可取爲邑乘資也余亦携有數帙隨朝務之暇面相質訂復爲余博取羣書以供採葺歷數月條目鱗具是在甲辰之秋冬也繼參鄰邑各誌旁覽一過如入新豐市上獲覩舊觀乃循九河故道及城壘墟墓之在境內者足之所躡目之所矚幾遍焉憑往蹟而憶曠代之經營披遺文而識前人之志事不謂吾邑僻處海畔遂

聽千古成寥落也積歲月所得綴入各條之下遇遠
近聞人不殫造膝請正凡所折衷備列于編是役也
始于甲辰之春卒業于丁未秋杪藁凡六易視初所
錄者存者僅半然聞識止此校讐頻數轉增蕪陋姑
以備將來之草創云爾余幼而寡學竟無尺寸得效
以茲垂老謬欲及此負慙彌深念先人曾爲拙宦孺
子元慶嗣列鄉書敢曰先人之澤尚未湮于今日也
幸藉此役得附先達之末以永著焉余卽勉作書備
以告成事于邑人士雖僭踰其奚辭

九河既道神禹著功無棣開疆俾侯于東唐宋列
土大邑是崇北鄙齊壤洋洋大風表沿革第一
虛危分野青冀交衝二山拱岱列水朝宗長堤百
里保障崇墉神京在望美哉提封志疆域第二
尚父肇基海表式欽士矜功名智勇相尋不有沃
土疇卽于淫風習朴茂匪今斯今志風土第三
世代屢遷國典乃傳漢居有號懋爵惟賢災患是
恤食貨攸先暨古及今不廢編年事記第四
公旬十日役民有常數度以制教養用光仍厥舊

貫毋爲民戕民康政舉斯號邑良志建置第五
朝廷建官量能授職長令廉明佐僚勤救繫爾多
士帥模是式受祿不誣簠簋云飭表職官第六
鄉國異選艷彼書升學古有獲進退以恒光前啟
後國寵榮膺敬爾名位毋貽負乘表選舉第七
則壤成賦惟正是供三征必慎租調及庸顧此九
邑載須明農弗損益之比屋可封志賦役第八
績著治平仰止前賢勞心撫字豈爲鷹鷂渤海賣
劍單父鳴絃功昭社稷歌頌永延名宦列傳第九

卓彼人傑蔚爲時望緯武經文山河增壯維孝與
貞士女攸尚興起後人功斯無量人物列傳第十
人文煥彩瑞世章身杼懷山水勵志人倫簡冊增
潤齒頰流芬性情攸寄逾久弗湮志藝文第十一
日中爲市里巷羣趨禱祀勿奢戒爾民愚載表丘
隴不廢荒蕪彙諸簡末並列輿圖以雜誌終焉
康熙九年歲次庚戌夏五既望海邑下士張克家西



凡例

遵行典禮備載會典若 頒降敕旨及各家詩文
爲他邑所同者概不錄

九 河故道及境內城壘橋梁塚墓悉按山東通志
間有錯誤未敢遽刪傳聞既久仍附存疑或記載
各異姑兩存其說

一 邑中創建備書其制其地後雖頽廢未可泯沒以
俟將來復舉

一 賦役之制往代無稽 本朝初造率依明萬曆間
海豐縣誌

凡例

規則稍加酌量定成永例近多裁扣致項猶存俟
丁地如額經費全復可按籍而考也

一 臧否人物直道攸關長吏之賢故樂得而褒稱之
間有可議則寧闕焉以存厚也邑人士應運迭興
誠多顯蹟若隱逸俠烈則湮沒弗聞聊舉貞孝數
人並列一班用伸懿慕

一 藝文一項豈云炫美或因文以著其人或借言以
紀其事允爲茲土之光若泛常題咏及詞未全下
者未敢多收